

GRAD NOVI PAZAR
SKUPŠTINA GRADA
Odbornička grupa SDA Sandžaka

Novi Pazar

5. avgust 2021. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O POTPUNIJE OBJAVLJIVANJU PODATAKA INFORMATORA O RADU ORGANA GRADA NOVOG PAZARA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 6. avgusta 2021. godine.

Ovlašteni predstavnik odborničke grupe SDA Sandžaka po ovoj tački dnevnog reda je zamjenik predsjednika odborničke grupe mr. **Emir Aščerić**.

Predsjednik odborničke grupe

Ahmedin Škrijelj

PRIJEDLOG

Na osnovu člana 71. stav 1. Zakona o lokalnoj samoupravi („Sl. glasnik RS“, br. 129/2007, 83/2014 - dr. zakon, 101/2016 - dr. zakon i 47/2018), članova 3, 39. i 40. Zakona o slobodnom pristupu informacijama od javnog značaja („Sl. glasnik RS“, br. 120/2004, 54/2007, 104/2009 i 36/2010), Uputstva za objavljivanje informatora o radu državnog organa („Sl. glasnik RS“, br. 68/10), člana 12. i člana 15. stav 1. tačka 26. Statuta grada Novog Pazara („Službeni list Grada Novog Pazara“, broj 8/17) Skupština grada Novog Pazara na sjednici održanoj _____ godine donijela je

O D L U K U

O POTPUNIJIEM OBJAVLJIVANJU PODATAKA INFORMATORA O RADU ORGANA GRADA NOVOG PAZARA

Član 1.

Ovom odlukom se nalaže se odgovornim licima za tačnost i potpunost podataka u Informatoru o radu organa Grada Novog Pazara (u daljem tekstu: Informator), da izrade Informator o radu organa Grada Novog Pazara u skladu sa Uputstvom za objavljivanje informatora o radu državnog organa („Sl. glasnik RS“, br. 68/10) (u daljem tekstu: Uputstvo).

Član 2.

Odgovorna lica iz člana 1. ove Odluke su dužna da, u skladu sa Uputstvom, pored podataka koje se objavljuju u Informatoru, objave i podatke:

- o predviđenom i stvarnom broju zaposlenih i drugih radno angažovanih lica (npr. ugovor o privremenim i povremenim poslovima, ugovor o djelu) po organizacionim jedinicama;
- tabelu sa imenima i prezimenima svih zaposlenih i drugih radno angažovanih lica u svojim organima, nazivom njihovog angažovanja po organizacionim jedinicama, njihovom stručnu spremom, te ustanovu i datum sticanja diplome;
- tabelu sa visinama naknada svakog zaposlenog i radno angažovanog u svojim organima.

Član 3.

Odgovorna lica iz člana 1. ove Odluke su dužne da ažuriraju podatke o prihodima i rashodima u Informatoru, a u skladu sa Uputstvom.

Član 4.

Rok za izvršenje poslova utvrđenih prethodnim članovima ove Odluke je 30 dana od dana donošenja Odluke.

Član 5.

Odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj: _____

U Novom Pazaru, _____ 2021. godine

PREDSJEDNICA
Dr. Anela Šemsović

O B R A Z L O Ž E N J E

I – Pravni osnov za donošenje odluke

Pravni osnov za donošenje ove odluke sadržan je u članu 71. stav 1. Zakona o lokalnoj samoupravi („Sl. glasnik RS“, br. 129/2007, 83/2014 - dr. zakon, 101/2016 - dr. zakon i 47/2018), članovima 3, 39. i 40. Zakona o slobodnom pristupu informacijama od javnog značaja („Sl. glasnik RS“, br. 120/2004, 54/2007, 104/2009 i 36/2010), Uputstvom za objavljivanje informatora o radu državnog organa („Sl. glasnik RS“, br. 68/10), članom 12. i članom 15. stav 1. tačka 26. Statuta grada Novog Pazara („Službeni list Grada Novog Pazara“, broj 8/17).

II – Razlozi i cilj donošenja odluke

Informator o radu organa Grada Novog Pazara koji se objavljuje i ažurira na stranici Grada i u koji građani mogu imati uvid lično nije potpun i ažuriran u skladu sa Uputstvom za objavljivanje informatora o radu državnog organa.

Ovom Odlukom se nalaže odgovornim licima za tačnost i potpunost podataka u Informatoru o radu organa Grada Novog Pazara, utvrđenih Zakonom o slobodnom pristupu informacijama od javnog značaja, da Informator ažuriraju i dopune u skladu sa Uputstvom.

Tačan i potpun Informator o radu organa Grada Novog Pazara će povećati transparentnost i vratiti povjerenje organa Grada građanima.

Načelan stav Povjerenika za informacije od javnog značaja je da podaci o tome ko je zaposlen ili radno angažovan u organu javne vlasti, na kojim poslovima i koliko je za to plaćen jesu informacije koje trebaju biti dostupne javnosti, budući da su u vezi sa vršenjem javne vlasti, odnosno njihovim djelovanjem u ime autoriteta, a ne u vezi sa privatnim životom, kao i da su za to plaćeni javnim novcem. Takav stav zasniva se na primjeni izuzetaka od prava na privatnost, u skladu sa čl.14. st.1. tač.2. Zakona o slobodnom pristupu informacijama od javnog značaja.

Također, stav Povjerenika je da je organ vlasti u obavezi da takve informacije učini dostupnim javnosti na proaktivnoj osnovi i bez posebnog zahtjeva za pristup informacijama, a u skladu sa Uputstvom za izradu i objavljivanje informatora o radu državnog organa koje je Poverenik donio na osnovu Zakona o slobodnom pristupu informacijama od javnog značaja.

Imajući u vidu da dokumenti koji sadrže navedene informacije, naročito liste za plate zaposlenih izvjesno sadrže i druge podatke o ličnosti u pogledu kojih javnost ne treba da ima interes da zna, prije omogućavanja pristupa ovim dokumentima, potrebno je zaštititi i učiniti nedostupnim one podatke o ličnosti kojima bi se moglo povrediti pravo na privatnost, kao npr. bankovni račun, podaci o minulom radu, odbici od zarade, kao npr. po osnovu alimentacije, kredita, kućne adrese zaposlenog, JMBG i sl., u skladu sa čl. 12. Zakona o slobodnom pristupu informacijama od javnog značaja, a što je u skladu i sa načelom srazmjernosti iz čl.8. Zakonom o zaštiti podataka o ličnosti („Sl. glasnik RS“ br.97/08 i 104/09-dr.zakon, 68/12-Odluka US i 107/12).

IV – Finansijska sredstva za sprovođenje ove odluke nisu potrebna.